



**Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

Sectio II. De Legibus seu Constitutionibus reprobatis seu prohibitis Jure  
Canonico.

---

[urn:nbn:de:hbz:466:1-61641](#)

*Titulus II. De Constitutionibus.*

directi manent c. 6. & 7. de foro com-  
pet. vel nisi lex Civilis disponat quidem  
specificè de bonis aut personis Ecclesia-  
sticis, nihil tamen præcipiat, aut prohi-  
beat, sed merum favorem, seu Privile-  
gium Clericis aut Personis Ecclesiasticis  
concedat; neque enim dans privilegium  
ullam jurisdictionem in privilegatum ex-  
ercent, cum possint enim extraneis,  
non subditis dari privilegia.

*Resp. II.* Quid, si Lex Civilis aut sta-  
tutum Magistratus secularis in genere  
tantum præcipiat aliquid, aut prohibeat,  
nullam in specie mentionem faciendo  
Personarum aut rerum Ecclesiasticarum,  
non comprehendantur persona tales aut  
eatum bona in præjudicium earum, ver-  
ba enim generalia legis talis, ut vim su-  
am habeant, & justæ leges tales dicantur,  
restringenda sunt ad limites potestatis  
statuenter, ut non comprehendant, nisi  
subditos.

*Resp. III.* Quæ verd Leges Civiles,  
aut statuta Magistratus secularis ob pu-  
blicam Reipublicæ utilitatem in commu-  
nilatæ sunt, circa materiam tam Cleri-  
cis quam Laicis communem (quales sunt,  
materiæ contracuum, testamentorum,  
judiciorum &c.) nec SS. Canonibus re-  
pugnant, aut statutum Clericalem dede-  
cent, etiam à Clericis & Personis Eccle-  
siasticis observari debent; non quidem  
quasi directè illis legibus, ut à Laico Ma-  
gistratulatis obligentur, aut quod obli-  
gentur quoad vim coercivam (cum de-  
bet in legem talem ferente respectu ha-  
rum personarum, tam ad cogendum,  
quam obligandum directè jurisdictione)  
sed quod illis obligentur, quoad vim di-  
rectivam, saltem indicatè, vel quod

æquitas naturalis exigat, ut aliis ejus-  
dem Communitatis membris pro bono  
publico circa talem materiam confor-  
mentur.

S E C T I O II.

*De Legibus seu Constitutio-  
nibus reprobatis seu prohibitis  
jure Canonico.*

§. I.

*De Legibus & Statutis Civilibus,  
qua adversantur immunitati Eccle-  
siastica.*

*R*esp. I. Injustas eas esse, & irritas, de-  
utroque jure, sive directè sive indi-  
rectè immunitati Ecclesiarum, aut Per-  
sonarum Ecclesiasticarum, earumque re-  
bus præjudicentur, merum onus v. g. aut  
gravamen imponendo, aut juri acquisito  
earum derogando, c. 7. & 10. b. t. c. no-  
verit. 49. c. gravamen 53. de sent. exco. l.  
placet. 5. l. privilegia. 12. authent. cassa.  
Codice de SS. Ecclesiastis. Videatur Bulla Ur-  
ban. VII. edita. 1641. die 23. Decemb. quæ  
incipit. Romanus Pontifex, & extat in  
Bullario Romano Tom. 4. Constit. 159.

*Resp. II.* In specie tales leges iniquas  
& irritas enumeratillas, i. quæ feruntur  
de solvendis, ac præstandis veitigalibus,  
angariis, collectis, & similibus exactio-  
nibus, si ad Clericos aut Personas Eccle-  
siasticas extendantur c. non minus. 4. & 6.  
adversus. 7. de immunitate Ecclesiarum.  
c. 1. & 3. eodem in 6. c. quamquam. 4. de  
censibus in 6. 2. Per quas sunt tribu-  
taria prædia Ecclesiarum & Clericorum.  
3. Per quas gravantur Personæ Ecclesia-  
sticæ

ficæ, si migrant de uno loco in alium, & jubeantur, partem aliquam bonorum, quæ secum deferunt, fisco, vel communictati solvere; aut ex relictis ad piam causâ publica fabricæ solvere aliquid. 4. Per quas ingredientes Religionem aliquam à successione hæreditaria excluduntur, vel jubentur parte aliqua hæreditatis, aut usufructu ad dies vitæ esse contenti. 5. Per quas res immobiles triennio præscriptibiles sunt, si ad personas Ecclesiasticas, & res illarum immobiles lex talis extenduntur. 6. Denique per quas redduntur persona aliqua ad contrahendum &c. ad testandum & donandum inhabiles in pœnam v. g. delicti alicuius, vel ab ipsis, vel ab eorum majoribus commissi, ita ut velint, personas etiam Ecclesiasticas legibus his comprehendendi &c. His enim & similibus legibus, si ad personas etiam Ecclesiasticas extendatur, graviter præjudicatur immunitati Ecclesiastice, contra talia à secularibus imposta onera privilegiata, & consequenter inique illæ sunt. & nullæ, in quantum ad tales personas & res extenduntur.

## §. II.

*An Lex Civilis vel Statutum Principis, vel Magistratus secularis, prohibens quovis modo alienari bona immobilia in Ecclesiæ vel Personas Ecclesiasticas, sit validum & licitum?*

**R**esp. I. Prohiberi statutum tale, vel legem tamem, sub pena excommunicacionis, si specificè & expressè prohibeat, ne bona talia immobilia à subditis vendantur, aut donantur Ecclesiæ, aut Personis Ecclesiasticis, aut alio modo in illas alienentur, prout satis clarè colligitur ex c. nlt. de immunit. Eccle. in b. Ubi pœ-

næ excommunicationis subjiciuntur illi secularis Magistratus, qui suis subditis prohibent, ne quidquam vendant Ecclesiasticis, ita ut, si non ex verbis textis, ex mente tamen & intentione legislatoris, quæ anima legis est, rectè dicatur, sub pena excommunicationis prohibita Lex vel statutum talia talibus vendi prohibens, cum talia in derogationem libertatis Ecclesiastice, ut ait Pontifex, præsumantur sive attententur, certè jus naturæ concedit personis Ecclesiasticis, quod possint (ceteris paribus) à quibuscumque bona immobilia emere vel acquirere &c. ergo si prohibita sint illa statuta, quibus aliquid illis personis admittitur, quod jure communis positivo concessum illis est, ut patet ex variis iuribus, multò magis prohibita erunt illa statuta, quibus ea ipsis iura admuntur, quæ de jure naturæ competunt: & quamvis quilibet privatus prohibere possit, ne res sua, cuius plenum dominium habet, taliter in Ecclesiam v. g. transferatur, cum de re sua, cuius est Dominus proprietatis, pro suo libitu disponere possit, non potest tamen talenm prohibitionem facere Magistratus secularis, circa bona suorum subditorum, cum penes illum sit tantum Dominium jurisdictionis, vi cuius cirea subditos statuere aliquid potest, non tamen circa personas non subjectas.

*Resp. II. Non tantum dicto modo prohibita esse statuta talia & leges, sed etiam irrita & nulla; prout etiam illa statuta nulla sunt in ordine ad personas Ecclesiasticas, que nihil quidem in specie de personis Ecclesiasticis statuunt, in genere tamen prohibent, ne talia in extraneos v. g. & non subditos jurisdictioni statuenter.*

*Titulus II. De Constitutionibus.*

tis alienentur (cū statuta, quæ libera-  
tati Ecclesiastice præjudicant, nulla sint,  
juxta sepius allata jura) nisi cum licentia,  
& permissione Summi Pontificis ea con-  
dita fuissent, aut ab illo approbata, cū  
non tantum derogare possit Pontifex  
Clericorum privilegiis, sed licentiam  
etiam dare possit personis talibus Eccle-  
siasticis, ut iuri suo, quod sibi de natura  
competit ad acquirendum & retinen-  
dum, ob bonum publicum cedere pos-  
sint: & quamvis ex recepta in pluribus lo-  
ris praxi pateat, nullitatem hanc aliquid  
non agnoscet, non debet tamen de valo-  
re talium statutorum ex praxi colligi ali-  
quid, sed ex jure Canonico, cū Regula  
nostrarum actionum non sint facta  
hominum, sed iura competentia.

*§. III.*

*De aliis Constitutionibus reproba-  
tis à jure Canonico.*

I. Statutum alicujus Communilitatis  
vel Collegii, quod vergit in ali-  
quotum commodum & in aliorum da-  
minum, sive per quod aliqui magis, quam  
alii ejusdem Collegii & æquale jus ha-  
bentes gravantur, injustum est & invali-  
dum. c. cū omnes b. b. t. Cū enim lex  
five Constitutio commune sit præce-  
pitum, ad cuius normam communiter o-  
mnes ejusdem communilitatis vivere de-  
bent, & ferri debeat ob publicum bo-  
num, & communem utilitatem totius  
Collegii, consequenter nulla est, & inva-  
lidata his Constitutionibus, si privatum tantum  
commodum singulorum attendat, & si  
ne ulla rationabili causa inæqualitatem  
inducat, inter ejusdem Communilitatis  
partes; ac optimè taliter constituenti di-

catur; patere legem, quam tu ipse tulisti.

II. Non valer statutum, quod cedit  
in diminutionem cultū Divinis, ex parte  
12. b. t. (ut imminuat v. g. numerus  
præbendarum in Ecclesia aliqua Colle-  
giata contra antiqua statuta, aut confue-  
tudinem, vel fundationem certum nu-  
merum præscribentem, quod pingui-  
ores obveniant præbendæ paucioribus  
Canoniciis) cū Divinus cultus augeri  
potius quam imminui debeat, & statu-  
tum tale videatur ex radice avaritiae, &  
proprii commodi potius provenire, quā  
ex legitima causa, cū redditus in tali Ec-  
clesia consueto Canonorum v. g. nu-  
mero competentes, nihil fuerint immi-  
niuti.

III. Non valent statuta Clericorum  
ab inferioribus Pontifice facta contra jus  
Canonicum e. quod super his de majorit.  
Et obed. Quamvis enim Laicis concessa  
sichæ potestas, ut possint etiam contra  
leges Cæsareae statuta facere, hæc tamen  
potestas contra jus Canonicum statuta  
faciendi non legitur concessa Clericis  
Pontificis inferioribus.

*S E C T I O III.*

*De interpretatione, exten-  
sione & abrogatione Constitutio-  
num seu statutorum.*

*§. I.*

*De interpretatione legis vel  
statuti.*

C Etias Regulas observandas esse in  
legum aut statutorum interpreta-  
tione, docent communiter omnes: Et r.  
quidem non tam verba, quam mens &  
inten-

C